



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Poemata Ferdinandi Episcopi Monasteriensis Et  
Paderbornensis, S. R. I. Principis, Comitis Pyrmontani,  
Liberi Baronis De Furstenberg**

**Ferdinand <Paderborn, Bischof, II.>**

**Parisiis, 1684**

Ad Joannem Baptistam Turricellium, Patavinum.

**urn:nbn:de:hbz:466:1-7748**

Miratus, nostras laudarit forte Camenas  
 Silente Rhenus alveo.  
 Tunc & Mæonio seu carmine nobilis arma,  
 Sive efferas pedestribus,  
 Docte GRADI, historiis, ingentia facta meorum  
 Seros docebis posteros.

A D

JOANNEM BAPTISTAM  
 TURRICELLUM, PATAVINUM.

*Ne popularibus rumoribus fidem habeat.*

TU, cui solerterum rerum prudentia mentem  
 Formavit, & Phœbus pater  
 Fatidicos lucos Heliconis & antra reclusit,  
 Amice, veri conscia;  
 Quid bibulam dubiis donas rumoribus aurem?  
 Quid vana Romæ sibila  
 Sollicitant animum pendentem murmure vulgi,  
 Ut ore doctoris puer?  
 Sive infanda sonat convitia, sive tumentes  
 Buccas resolvit laudibus  
 Immodicis, famæ, moneo, ne crede loquaci;  
 Quam prævolant Calumniæ,  
 Insidiæque sequuntur, & artes mille nocendi,  
 Livorque lætis anxius,  
 Necnon Blanditiæ, corruptaque Gloria fuco,  
 Et emta vulgi Gratia.  
 Sint portenta hominum nigro suffusa veneno,  
 Et plena falsi pectora,

128 FERDINANDI EPISCOPI MONASTER.

Qui, dum vipera fингant mendacia lingua,  
Sese poetas æstiment.  
At satis ex oriente die commenta patebunt  
Et virulenta somnia,  
Aut evanescet rumor, qui crevit eundo,  
Crescente temporis mora:  
Qualis in Assyriam Gyndes exundat, & idem,  
Cyro jubente, naufragum  
Propter equum, late centum diductus in amnes  
Decrescit ipso se minor.  
Ergo, si populi sermonibus exul amicus  
Narratur aula, ne favor  
Illum destituat, ne gratia vitrea frangi,  
Timere non erit tuum  
Ante fidem certam, primæ nisi credulus auræ  
Dolere bis velis miser.  
Sic etiam vulgo si cuiquam teste paratur  
Latina forte Purpura,  
Seu Vaticanæ Sedis suprema potestas,  
Sperare non erit tuum.  
Ne frustrata gemat, ne votis usa secundis  
Mens gaudiorum præcoci  
Germine decerpto, maturos perdat honores,  
Et vana spem ludat seges  
Lætitiae. expectare licet: dilata voluptas,  
Ceu lenta veris gratia,  
Plus juvat, & densis placet eluctata tenebris,  
Micansque, ceu sol, Veritas.

AD